



Broj: 22-04-44-1-8/19
Sarajevo, 09.01.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 08.01.2019. do 07:00 sati 09.01.2019. godine

Profesionalna vatrogasna jedinica Kantonalne uprave civilne zaštite Kantona Sarajevo:
U izvještajnom periodu pripadnici Profesionalne vatrogasne jedinice imali su jednu veću i jednu manju intervenciju. Veću intervenciju su imali dana, 09.01.2019. godine u 06:29 sati u ul. Hadži Idrizova br. 12, Općina Centar, gdje je došlo do požara u stanu u kojem je gorio madrac i manji dio stvari. Požar je lokalizovan u 06:43 sati, a likvidiran u 06:50 sati. U gašenju požara učestvovalo je sedam vatrogasaca sa jednim vatrogasnim vozilom. Dvije osobe, koje su bile u stanu su povrijeđene (uslijed udisanja dima). Manja intervencija je bila na gašenju zapaljenog dimnjaka.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: U periodu od 24.12. do 30.12.2018. godine ukupno je na području Kantona Sarajevo prijavljeno 91 slučaj zaraznih bolesti obaveznih prijavi od toga: jedan amebiasis, 14 angina streptoc. (streptokokna angina), 35 enterocolitis ac. (enterokolitis), jedan erysipelas (crveni vjetar), 12 herpes zoster (šindre), 9 nosocomial infections (bolničke infekcije), dva salmonellosis (salmonela), 11 scabies (svrab, šuga), dva scarlatina (šarlah), dva TBC (tuberkuloza) i dva toxiinfectio al. (trovanje hranom).



KJKP RAD: Čiste se saobraćajnice I i II, a gdje postoje uslovi i III prioriteta. Na održavanju prohodnosti istih trenutno je angažovano 56 vozila i 130 radnika na ručnom raščišćavanju, a ako se ukaže potreba bit će angažovana i dodatna vozila i ljudstvo..

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila -1 °C, vlažnost zraka 91 %, barometarski pritisak 932 hPa, a visina sniježnog pokrivača iznosi 18 cm.

BIHAMK: Saobraćaj se na području Kantonu Sarajevo, uslijed snježnih padavina i niskih temperatura, odvija otežano, a vozi se po mokrom i mjestimično klizavom kolovozu. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1